

清季外交史精

卷一百二十一至卷一百二十二

弟 卯 十 二 冊

孟子作史記

卷一百一十五

十一

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百二十一

光緒二十二年四月至六月上

目錄

川督鹿傳霖奏遵旨派員查辦廓藏失和要案摺四月初四日

總署奏遵旨議覆張仲忻請商俄人改訂稅額摺二十五日

總署奏籌交日本二次賠費等項交收清楚摺二十五日

專使李鴻章致總署遞國書後俄皇藉回宮驗收禮物爲名再見密

談請代奏電二十九日

專使李鴻章致總署晤俄外部會議接修東省鐵路電二十九日

總署奏廣西龍州至越南同登與法國接造鐵路片

附合同五月二十一日

專使李鴻章致總署報抵德法兩國遞國書電二十五日

旨寄鹿傳霖廓藏界案着即派員會勘迅速完結電二十五日

中丹英會訂電報合同六月初一日

全權大臣張蔭桓奏日本商約刪駁請即定議畫押摺附日本商約原

送條款並改定條款各一件六月初六日

全權大臣張蔭桓奏日使請緩議製造貨稅尙無窒礙擬隨時商訂

片六月初六日

清季外交史料卷一百二十一

黃巖弢夫王彥威輯

男希隱亮編

孫孝章敬立校

川督鹿傳霖奏遵旨派員查辦廓藏失和要案摺

四川總督鹿傳霖奏爲遵旨派員查辦廓藏失和要案就近隨同開導劃界並籌議情形事竊臣欽奉電旨覽鹿傳霖奏西藏情形殊深厯系奎煥已令來京納欽到任未久一切操縱事宜着鹿傳霖馳函商酌或揀派熟悉藏務公正明幹之員隨同納欽辦理俾資臂助至瞻對桀驁不馴尤宜妥爲開導毋激事端欽此正揀員赴藏間三月初三日又奉

電旨近聞廓爾喀與西藏失和意欲決戰廓悍而佳兵藏愚而奉佛勢必不敵廓若得志全藏騷動務須派熟習邊防之員前往設法解散藏番既恃俄爲援則廓之動兵必係英所主使該督留心邊事應如何措置之處着籌議具奏等因飛咨駐藏大臣查詢並飛札署後藏都司耿紹宗確探實在情形迅速馳報伏查印藏勘界爲期甚迫而藏番愚闇爭執事難就緒此時忽有廓藏失和之報是廓之動兵必係英人主使仰見聖明洞鑒萬里之外伏思英俄交窺藏地蓄意已久而互相猜疑忌於先發今藏已通俄恃以爲援故敢於爭持界務若劃界不定英將以兵至藏藏必求援於俄則英俄且明明因藏互爭矣蓋英不欲明露與俄失和之形故嗾廓與藏構兵藏斷難敵必乞俄援英即從旁觀釁

而動臣竊揣英之用心必出於此然廓雖附英而亦忌英決戰之說或屬虛聲姑徇英之意以恫喝藏番若得一通達機變具有膽識諳練洋務之員先往廓爾喀爲之詳陳利害勸令釋嫌修好或可聽從庶藏境暫安妥商劃界以免生事惟徧察川中人員殊難其選適有補用知府李毓森因接辦電局來川謁見臣與接晤數次察其人頗明幹膽識俱優前在朝鮮辦理電局商務有年熟悉洋情因語以廓藏失和擬派員前往解散妥慎籌辦之意該員情殷報効不憚險阻因與討論辦法所陳均合機宜洵堪任使擬即派往妥辦當卽先行電奏惟由川陸路入藏臺站節節險阻更換夫馬非數月不能遄回再前藏至後藏赴廓爾喀又需月餘計需半年之久實屬緩不濟急查已革雅州府知府稽志

文前奉派襄辦藏務曾航海取道上海香港新嘉坡恒河海口直達印度孟加拉登岸乘輪車至印度交界之獨脊嶺入藏故此議令航海亦取此道前往以期迅速且探得由獨脊嶺鐵路輪車已可直達廓境更爲捷近並由川揀派熟悉藏務得力員弁隨同前往該員道經上海尙須選覓漢繙譯偕往以期達語言而昭妥慎惟李毓森遠涉重洋籌辦要務所有輪舟輪車往返僱價隨從犒賞一切需用浩繁必須寬給公費薪水可否援照出使之例於重慶洋關出使項下照四品副使例月支薪水銀七百兩以資應用仰懇天恩飭下總理衙門戶部核議飭遵一面先由川庫墊發銀八千兩交該員收領應用事竣後着該員核實報銷勿許少涉浮冒一俟廓藏案結卽飭該員就近隨同駐藏幫辦大

臣訥欽勸導劃界事宜至新授駐藏大臣文海臣已電催迅速來川旋據復稱四月初由黔起行俟其到川臣與面商妥籌一切即可馳赴藏中相機妥辦再川藏相距窵遠驛遞萬難迅速消息不靈昨謹電擬趕修電線先由成都至打箭鑪再議接展入藏以速邊報所需經費查前川省創修電工時籌款十萬存籌辦電報道員盛宣懷處可以撥用勿須另籌現款欽奉電旨准飭照辦遵卽派員勘路購運線料趕辦以速文報謹奏光緒二十二年四月初四日奉硃批着照所請該衙門知道

總署奏遵旨議覆張仲忻請商俄人改訂稅額摺

總理各國事務恭親王奕訢等奏爲遵旨議奏事光緒二十二年四月十六日軍機處交片本日御史張仲忻奏商務不振請商俄人改訂稅

額一摺軍機大臣面奉諭旨着總理衙門議奏欽此等因臣等查原奏內稱各國商務惟英獨獲贏餘各國則無不絀俄爲尤甚所需中國貨物甚多而入口貨僅大呢哈喇若將進口之稅加重出口之稅減輕俄必甚願法德美等亦且樂從現在俄商我辦東三省鐵路亟宜乘此機會以允築鐵路償其望即以改增稅則要其酬俄一允從即可與各國一律改定等語臣查海關稅則華重洋輕國課商情兩皆虧損積弊已非一日戶部議增進口洋稅以爲補苴本年正月間因李鴻章奉命出使臣衙門酌擬辦法請旨飭下李鴻章於經歷英德法美呈遞國書之時與各該國外部商論損益在案該御史所論商稅利害暨煙酒衣服等之應免稅均與臣衙門原奏大致相同臣等以英國商務最盛年來

日本增稅之議先由英國商允各國旋亦樂從臣等因奏陳其略仍請
由李鴻章妥酌機宜或先就俄德法發凡起例以取成於英或先與英
商妥而及諸國觀時度勢後先次第原不必拘泥現李鴻章方在俄都
又值俄以東北鐵路求助於我則乘此機會先與俄外部發端如該御
史所陳亦屬因利乘便之勢擬請旨飭下李鴻章即以朝命商諸俄廷
揆度情形儻得轉圜之機徑與俄重定稅則以爲各國先聲於國計裨
益良非淺鮮如使彼心存觀望商議需時亦可與商訂彼此擴充商務
變通稅則專條續附約章以爲異時張本雖陸路海道情事略殊但得
一國允增推之他國自皆易於發議矣如蒙俞允即由臣衙門密電李
鴻章令其妥籌開議謹奏光緒二十二年四月二十五日奉硃批依議

總署奏籌交日本二次賠費等項交收清楚摺

總理各國事務恭親王奕訢等奏爲籌交日本二次賠費等項交收清楚事竊查中日新約第四款內開中國約將庫平銀二萬萬兩交與日本作爲賠償軍費分作八次交完第一次五千萬兩應在本約批准互換後六箇月內交清第二次五千萬兩應在十二箇月交清餘分六次遞年交納第一次賠款交清後未經交完之款應按年加百抽五之息如從條約互換之日起三年之內全數清還將應付利息於應付本銀內扣還又另約第一款內開所有暫駐威海衛之日本軍隊需費中國日本約互換日起每一周年貼交四分之一庫平銀五十萬兩各等語所有第一次應付銀五千萬兩業經臣等將庫平銀兩合成英鎊數目

與日本使臣林董公立議單計合英金八百二十二萬五千二百四十五鎊一先令十弁士四分之三撥交出使英國大臣龔照璣於上年九月十四日與日本駐英使臣在倫敦交收取具收據存案本年三月二十六日又屆第二次交款之期先准林董照會此次賠費五千萬兩願在英德兩國各交一半息款一百二十五萬兩威海衛軍費願在英國交收臣等查此次交款爲數甚鉅祇可由息借英德兩國款內撥付日本使臣請在英德兩國分交可省撥匯之煩尙屬可行當即查照上年會議將賠費五千萬兩合成英鎊英德兩國各交一半至息款一百二十五萬兩及威海衛軍費五十萬兩均交英國交付當札總稅務司赫德分電英德兩銀行如數備齊一面電知出使英國大臣龔照璣出使

清季外交史料卷二十二 五
德國大臣許景澄屆期與日本駐英駐德使臣交收旋准該大臣等電稱均已如期交收取具日本使臣收據等語除俟各該大臣寄到收據存案外謹奏光緒二十二年四月二十五日奉硃批知道了

專使李鴻章致總署遞國書後俄皇藉回宮驗收禮物
爲名再見密談情形請代奏電

向例遞國書後不再見俄皇籍回宮驗收禮物爲名未正接見令帶經方傳話不使他人聞知先將禮物逐一查問屬代奏謝旋出示所藏鏤金托金玉如意乾隆古稀天子玉璽皆精品即行至便殿賜坐暢談彼謂我國地廣人稀斷不侵佔人尺寸土地中俄交情最密東省接路實爲將來調兵捷速中國有事亦便幫助非僅利俄惟華自辦恐力不足

或令在滬俄華洋行承辦妥立章程由華節制定無流弊各國多有此事例勸請酌辦將來英日難保不再生事俄可出力援助云云較微德前議加厚未便壅於上聞請代奏

四月二十九日

專使李鴻章致總署晤俄外部會議接修東省鐵路電

昨羅拔邀赴外部晚飯與微德會議該大臣皆以東省接路爲急微德謂二年必成鴻云赤塔至三岔口向多山險我辦漠河礦久知漠至齊齊喀爾省高山叢莽人迹不通必強穿過亦甚難辦彼謂多費工而直捷合算中國自辦無款無期不如俄華銀行承辦較速姑屬妥議章程

送核

四月二十九日

總署奏廣西龍州至越南同登與法國接造鐵路片

附

合同

奕訢等片 再廣西龍州至越南同登與法國接造鐵路本年二月初七日奏請開辦并進呈圖說奉硃批依議欽此欽遵在案當由臣衙門電商廣西撫臣史念祖派員設局開辦旋據覆稱擬派廣西提督蘇元春爲督辦知府康際清爲幫辦與法國費務林公司按照圖說公同商酌疊據該使臣照送合同底稿臣等公同檢閱其合同內有鐵軌寬窄須與越南鐵軌一邁當相同以便銜接又有將來中國鐵路欲展接至南寧百色等語臣等以中國鐵路始於天津酌定軌寬四尺八寸五分遂爲成式環球通例一國之內軌度無異此次龍州鐵路自應統歸一律不得參差且於中越邊境方能劃清界限至南寧百色應否展接須